

Sigil da qualitat per Coray

La lennaria e scrinaria a Glion vegn undrada

■ (anr) El rom digl arranschament annual dalla branscha da baghegiar cun lenn dalla Svizra l'entschatta settember ad Appenzell ei la «Coray Holzbau AG» da Glion vegnida undrada cul label da qualitat plus. Cun quei sigil da qualitat honorescha la branscha interpresas cun ina cultura da menaschi partenaria ed ina direcziun da qualitat conform al contract da lavur collectiv.

Sco quei ch'ils responsabels scrivon en ina comunicaziun als mieds da massa ei «Holzbau Plus» il sigil da qualitat dalla branscha da baghegiar che respecta ils menaschis che s'orienteschan a lur collaboraturas e collaboraturs. El vegn surdaus ad interpresas ch'ei in exempel per la cultura da menaschi e da direcziun e che tgiran e s'engaschan cuntinuadamein per lur luvvers. Da niev porta uss era la lennaria e scrinaria Coray da Glion quei sigil. Il label garantisce ch'il contract da lavur collectiv vegni risguardaus cunpleinamein. El promova il svilup persistent dils menaschis e presta in'impurtanta contribuziun vid la concorrenzialadad e la segirtad dils occupai. Il substitut dil meinafatschenta dalla lennaria e scrinaria Coray, Corsin Coray, puntuescha: «Nus dein gronda peisa alla promozion dils giuvenils. Sin quella moda risguardein nus era nossa responsabladad sociala enteifer la regiun. Gia varga 70 giuvenils han gudiu tier nus ina scola e terminau quella cun success. Cun il sigil da qualitat speroin nus d'haver vivon bunas cartas tier la recrutaziun da persunal per aschia haver era egl avegnir glied qualificada, malgrad nossa posiziun en ina regiun periferica.»

Il sigil da qualitat «Holzbau Plus» se-basa sil contract da lavur collectiv dalla branscha da baghegiar. El vegn surdaus

en num dils partenaris socials Syna, Unia, Cader da baghegiar Svizra, l'Associaziun mercantila dalla Svizra e «Holzbau Schweiz» entras la cumissiun professiunala paritetica dalla construcziun cun lenn dalla Svizra dapi igl onn 2011. Ina procedura cun differents scalems garantisce che tut ils criteris seigien adempli. Leutier s'auda l'examinaziun dils aspects materials sco culturals. Il mument ein 39 menaschis dalla branscha da lenn en Svizra en possess dil label da qualitat.



Bernadette, Corsin e Markus Coray cun la distincziun dil label da qualitat.